

RASIM SKOMORAC

Selamim i pozdravljam sve prisutne, za danas imam dva pitanja. Ovih dana smo svjedočili u sredstvima informisanja da je potpisan sporazum o donaciji Vlade Japana za određene zdravstvene ustanove u državi BiH, i dobili smo informaciju također da je samo Vlada Japana u poslijeratnom periodu donirala u finansijskim sredstvima i opreme preko 85 miliona KM za dravu Bosnu i Hercegovinu, Kantonalna bolnica Zenica je od toga dobila 0 marak. Pa imam dva pitanja dakle prvo pitanje prema Ministarstvu civilnih poslova države Bosne i Hercegovine dakle, ja sam jedno slično pitanje postavio prije izvjesnog perioda i oni su odgovorili koja su sredstva do sada iz međunarodne pomoći dodijeljena za kliničke centre i tada su oni napomenuli da kriterije za podjelu radi za Federaciju radi Federalno ministarstvo zdravstva i da oni s tim nemaju ništa, da oni rasporede prema tome kako im se to proslijedi iz Federalnog ministarstva zdravstva. S tim u vezi tražim da se dostave sredstva međunarodne pomoći tj., finansijskim sredstvima i opremi prema zdravstvenim ustanovama u Bosni i Hercegoni za zadnjih 20 godina posebno Vlade Japana. Dakle, koja su sredstva bila u zadnjih 20 godina dodijeljena svim zdravstvenim ustanovama u državi Bosni i Hercegovini, po zdravstvenim ustanovama.